

modico negotio fudit fugavitque : sed mari ne an continen-
ti dimicatum sit , auctores , quos vidimus , non tradunt .
Secundum hanc prosperam pugnam Otho omnem mariti-
mam Dalmatiæ , Liburniæ & Histriæ oram , quæ patris du-
ctu in Venetorum fidem venerat , classe circumvectus , quasi
provinciae statum recogniturus , singulas civitates & conven-
tus adiit : cives novo juramento adegit , ut in Venetorum
fide , in quam ultro venissent , in posterum manerent : ne-
que quenquam ex suis popularibus res novas adversus Vene-
tum Imperium moliri paterentur . Mox vero ex Dalmatia re-
versum Dominicus Flabanicus scelerata conjuratione incau-
tum excepit : captumque , abrasa illi barba , anno * quin-
to ex quo Rempublicam solus administrare cœperat , in
Græciam relegavit : ubi non longo interjecto tempore vita
defunctus est .

1023

1026

* legendum
decimo-
quinto

Othone in exilium acto , Petrus Centranicus sive Barbola-
nus (nam utrumque eidem familiæ cognomen fuisse reperio)
successit . Is patriæ statum domi forisque parum pacatum
adeptus , haud quidem ab initio exploratum habuit , utri
parti Reipublicæ prius succurrendum esset : constitit tamen ,
fatius esse civitatem atroci conjuratione exilioque Ducis opti-
mi consternatam , ad pristinam concordiam revocare . Inte-
rim vero Pepo Aquilejensis Venetarum rerum novitate solitu-
dineque Gradenfis Ecclesiæ fretus (nam sunt qui scribant
Ursi loci Antistitem , Othone fratre Principatu eje-
cto , veritum ne ab hominibus adversæ factionis , per quos il-
le pulsus esset , ipse quoque insidiis opprimeretur , extorrem
abiisse) quasi loco , absente Urso , præsidio esse vellet , Gra-
dum occupat . Alii tradunt , in gratiam Ursi locum expu-
gnatum , quum Veneto interim præsidio teneretur : quod
omnino pro mendacio refellitur . Quoniam si illi inter se tum
amici fuissent , non utique per id tempus uterque suæ Eccle-
siæ causam , quæ frequenti conventu Romæ acta est , non si-
ne simultatis & odii suspitione suscepissent : ubi a Pontifice
totoque cœtu declaratum ferunt , Gradensem Ecclesiam Ve-
netiæ metropolim habendam . Illud vero constat , Conra-
dum Imperatorem in Peponis gratiam Venetis per id tempus
vehe-

Ei in exi-
lium acto
surrogatur
Petrus Cen-
tranicus, si-
ve Barbola-
nus .

1028